

- 5) organizacija ili podrška organizaciji sportskih manifestacija i događaja od interesa za Općinu.

Član 3.

Općina može utvrditi i druge aktivnosti kao javni interes u oblasti sporta, ukoliko se obezbijede sredstva za njihovo ostavarijanje.

Član 4.

Javni interes u oblasti sporta iz člana 2. ove Odluke realizuje se putem resornih Službi Općine, javnog preduzeća čiji je osnivač Općina, JP "Lokom" kao i u saradnji sa nadležnim organima, javnim ustanovama i javnim preduzećima Kantona Sarajevo, Grada Sarajevo i općina.

Član 5.

- (1) Sport za sve je organizovana ili samoorganizovana sistemska sportska aktivnost svih građana.
- (2) Razvojni sport je priprema i takmičenje pojedinaca ili ekipe koji svojim stručnim i organizacijskim mogućnostima prevazilazi sport za sve a nisu ostvarili vrhunski sportski rezultat.
- (3) Sportski odgoj i obrazovanje u predškolskim ustanovama, osnovnim i srednjim školama je sportska aktivnost djece koja se obavlja u nastavno-obrazovnom procesu ili izvan nastavno-obrazovnog procesa.
- (4) Vrhunski sport je priprema i takmičenje pojedinaca i ekipa koji su na najvećim državnim i međunarodnim takmičenjima ostvarili vrhunski rezultat ili normu za učešće na istim.
- (5) Nagrade pojedincima i kolektivima su nagrade za postignute vrhunske sportske rezultate iz stava (4) ovog člana.
- (6) Evidencija za područje općine/registar evidencije za sportske klubove/društva administrativna baza podataka za područje općine.
- (7) Organizacije u sportu su sportski klubovi/društva i sportski klubovi/društva osoba sa invaliditetom definirani zakonom.

Član 6.

- (1) Sportski objekti iz člana 2. stav (1) tačka a) ove Odluke su višenamjenski otvoreni ili zatvoreni prostori namijenjeni sportu koji ispunjavaju uslove za održavanje treninga, takmičenja ili druge sportske aktivnosti.
- (2) Evidenciju za područje Općine vodi Služba za investicije i JP LOKOM d.o.o. Sarajevo.

Član 7.

U vršenju prava raspolaganja sportskim objektima od značaja za Općinu, Općinsko vijeće može, prenijeti pravo korištenja i upravljanja nad tim objektima drugom pravnom ili fizičkom licu koje organizuje aktivnosti u sportu.

Član 8.

Namjena sportskih objekata od značaja za Općinu ne može se mijenjati. Izuzetno u slučaju da Općinsko vijeće da saglasnost da se mijenja namjena sportskog objekta, Općina je obavezna da obezbijedi objekat iste namjene.

Član 9.

- (1) Sredstva za finansiranje javnog interesa u oblasti sporta iz člana 2. ove Odluke obezbjeđuju se u Budžetu Općine i realizuju se shodno procedurama utvrđenim Zakonom i internim aktima.
- (2) Shodno odredbama člana 54. stav 3) Zakona o sportu općinski načelnik donosi Pravilnik o kriterijima za finansiranje javnog interesa iz člana 2. ove Odluke.

Član 10.

- (1) Organizacije u sportu/korisnici budžetskih sredstava, dužne su resornoj službi dostaviti izvještaj o utrošku sredstava za

prethodnu godinu sa popratnom dokumentacijom najkasnije do 31. januara tekuće godine.

- (2) Ukoliko korisnik iz prethodnog stava ne dostavi predmetni izvještaj, općinski načelnik na prijedlog resorne službe može obustaviti dalje finansiranje i pokrenuti proceduru za povrat odobrenih finansijskih sredstava.

Član 11.

- (1) Danom stupanja na snagu ove Odluke prestaje da važi Odluka o načinu ostvarivanja javnog interesa Općine Novi Grad Sarajevo ("Službene novine Kantona Sarajevo", broj 31/01 i 15/03).
- (2) Ova odluka stupa na snagu narednog dana od dana objave na oglasnoj ploči Općine a naknadno će se obaviti u "Službenim novinama Kantona Sarajevo".

Broj 01-02-8786/26
06. aprila 2026. godine
Sarajevo

Predsjedavajući
Općinskog vijeća
Haris Alihodžić, s. r.

Na osnovu člana 25. stav 10. i člana 34. stav 1. Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18) i članova 15. i 18. Statuta Općine Novi Grad Sarajevo ("Službene novine Kantona Sarajevo", broj 1/24) i Općinsko vijeće Novi Grad Sarajevo, na 15. sjednici, održanoj 31.03.2026. godine, donijelo je

**ODLUKU
O IZMJENI I DOPUNI ODLUKE O PRISTUPANJU
IZRADI URBANISTIČKOG PROJEKTA "STAMBENO
NASELJE - JUŽNA PADINA BRDA MOJMILLO -
DOBRINJA"**

Član 1.

Ovom Odlukom vrše se izmjene i dopune Odluke o pristupanju izradi Urbanističkog projekta "Stambeno naselje - Južna padina brda Mojmiilo - Dobrinja" ("Službene novine Kantona Sarajevo", broj 05/16).

Član 2.

Član 2. "Granice područja za koje se Plan radi" se mijenja i glasi:

Granica obuhvata polazi od tačke br. 1 koja se nalazi na parceli k.č. 3187/1, a ima koordinate $y=6528426$, $x=4854307$, zatim produžava na sjever sijekući u pravoj liniji parcelu k.č. 3187/1, te nastavlja međom parcele k.č. 1425/1 koju obuhvata i dolazi u tromedu parcela k.č. 1425/1, 1425/2 i 1422, potom nastavlja u istom pravcu u dužini od 18,5 m do tačke br. 2 koja se nalazi na međi između parcela k.č. 1422 i 1426, a ima koordinate $y=6528476$, $x=4854400$, potom produžava na jugoistok idući preko parcela k.č. 1426, 1425/2, 1428 i dolazi u tačku br. 3 sa koordinatama $y=6528561$, $x=4854358$, potom ide na sjever međom između parcela k.č. 1431/1 i 1427 te dolazi u tromedu parcela k.č. 1427, 1428 i 1431/1, nastavlja pravcu jugoistoka sijekući u pravoj liniji parcele k.č. 1431/1, 1431/2 do tačke br. 4 koja ima koordinate $y=6528652$, $x=4854344$, a nalazi se na međi između parcela k.č. 1431/2 i 1453, te lomi se na jug do tromedu parcela k.č. 1431/2, 1433 i 1453.

Granica obuhvata se nastavlja u pravcu jugoistoka, te juga idući međama parcela k.č. 1433, 1437/1, 1435 (obuhvata ih) i dolazi u tromedu parcela k.č. 1437/2, 1435 i 1443, zatim skreće na istok idući međom između parcela k.č. 1443 i 1441/1 u dužini od 10m i dolazi u tačku br. 5 koja ima koordinate $y=6528731$, $x=4854217$. Granica obuhvata nastavlja na jug idući preko parcela k.č. 1441/3 i 3187/1 i dolazi u tačku br. 6 koja se nalazi na parceli

k.č. 3187/1, a ima koordinate k.č. 6528710, x=4854178, potom skreće na sjeverozapad idući preko parcele k.č. 3187/1 i dolazi do mjesta odakle je opis granice i počeo.

Sve gore navedene parcele se nalaze se u K.O. Dobrinja, Općina Novi Grad.

Površina obuhvata iznosi P=3,4 ha."

Član 3.

Iza člana 2. dodaje se član 2a koji glasi:
"Osnov za izradu Plana

Član 2a.

Izradi Plana se pristupa na osnovu Regulatornog plana "Dobrinja" ("Službene novine Kantona Sarajevo", broj 35/06,

7/13, 16/13, 37/13, 49/13, 2/14, 10/14, 35/14, 49/14, 33/16, 13/16, 50/16, 24/17, 26/17)."

Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-8787/26
6. aprila 2026. godine
Sarajevo

Predsjedavajući
Općinskog vijeća
Haris Alihodžić, s. r.

